



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 34. Concilium Legibus editis firmatur.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

§. XXXIV.

Sæculum V.
A. C. 452.

Concilium Legibus editis firmatur.

At Concilium Calcedonense non æque in Oriente, ac in Occidente, nemine resistente, receptum. Equidem Imperator, quidquid suarum erat partium, ut decreta effectui darentur, præstitit, sed Ægyptii, & Palæstini obedire detrectarunt. Primo Edictum Constantinopoli, septima Febr. Sporatio Consule, id est, anno 452. promulgatum, quo prohibetur, ne quis publice de Religione disputet, adjectis pœnis, ut Clerici deponantur, qui qualicumque officio funguntur, eodem priventur, alii urbe ejiciantur, & pro delicti modo puniantur. *Impium est, inquit in ea Lege Imperator, & sacrilegum, si quis sibi licere existimet, secundum sensum suum privatum examinare, quod tot Episcoporum Judicio decisum.* (*) Et inferius: *injuriam infert Concilio, qui in disceptationem vocat, quod judicatum est.* Hoc Edictum ad Cives Constantinopolitanos directum; cum tamen necdum turbulenta ingenia acquiescerent, & quidam publice de Mysteriis, etiam audientibus Judæis, & Gentilibus, litigare non cessarent, secuta est prohibitio altera, similis

U u 5 priori,

Conc. Calc. p. 3. c. 3. L. 3. Cod. de Summ. Trin.

(*) Utinam hic Protestans noster Notam subjunxisset; sed aliud est veritatem scribere, & aliud velle eam intelligere.

Sæculum V.
A.C. 452.

priori, & præceptum, ut omnes Concilio Calcedonensi obedirent, condito Edicto secundo, etiam Constantinopoli promulgato, & ad Præfectum Prætorio in Oriente, duosque alios, nempe Illyrico, & urbi Constantinopolitanæ Præfectos, rursusque officiorum Magistrum directo.

Sexta Julii eodem anno Imperator Marcianus ad eosdem Ministros Rescriptum direxit, & revocavit Legem, quam Theodosius junior, a Crysfaphio deceptus, contra Flavianum, Eutychi vero & Lactrocinio Ephesino faventem, ediderat. In hoc Rescripto Flaviano, Eusebio Doryleensi, & Theodoreto fama redditur. Vigesima octava ejusdem Mensis Julii alia

Sup. lib.
XXVII.

9. 41.

c. 12. p. 868.

p. 869.

Lex edita; Marcianus Imperator jubet, ut Concilii Calcedonensis omnia decreta observentur, Eutychis Sectatores easdem pœnas dent, quas Apollinaristæ, quorum errores secutus est, Eutychianis nec Presbyteros, nec Clericos habere liceat, nemo Eutychem tanquam Presbyterum honoret, & si spretis legibus, Episcopos, Presbyteros, aliosve Clericos ordinaverint, ordinantes, & ordinati, bonis eorum Fisco addictis, proscribantur. Hac Lege etiam convenire, aut Monasteria ædificare prohibentur. Transgressores domos suas amittent, & tam Domini, seu Locatores, quam conductores statutas pœnas subibunt. Eutychiani nihil, testamen-

co

Sæculum V.
A.C. 452.

to sibi legatum, acquirere valeant, non officio publico fungi, non Constantino-
poli degere, aut in quacunque alia Me-
tropoli liceat. Speciatim Monachi Mona-
sterii Eutyichis comprehendantur, & toto
Romano Imperio ejiciantur. Libri, de
hac Secta tractantes, flammis tradantur,
qui hanc Hæresin alios docuerint, capitis
pœna tollantur, Discipuli decem libras
auri pendant. p. 872.

§. XXXV.

Proterius, Episcopus Alexandrinus.

Dioscoro Gangresiam in Paphlagonia
relegato, quatuor Episcopi, qui cum *Liber. c. 14.*
ipso advenerant, in Ægyptum rediere,
postquam Concilio Calcedonensi inter-
fuissent, Eutyichi Anathema dixissent,
damnassent Dioscorum, & epistolæ S. Leo-
nis subscripsissent. Imperatoris ferebant
epistolas, ad Theodorum Ægypti Præsi-
dem datas, in quibus præcipiebatur, ut
alius Episcopus ad Sedem Alexandrinam
eligeretur. Sed non defuere, qui resiste-
rent, cum civium plerique alium Episco-
pum, Dioscoro vivo, recipere nollent.
Tandem electus est Proterius, quem
Dioscorus Archipresbyterum constitue-
rat, eique Ecclesiæ curam commise-
rat. Is ergo ordinatus, & præsentibus
quatuor Episcopis, Athanasio Busi-
riensi, Nestorio Phagonensi, Auxonio Se-
beny-